
MEMORANDU

PA: Kumison di Skóla

DI: Brian Marques, Diretor Prinsipal di Opportunity Youth

CC: Superintendenti Brenda Cassellius
Xefi di Gabineti Mary Dillman
Konsultora Prinsipal Megan Costello

DATA: 29 di marsu di 2021

RE: **SY21-22 Rivistu Pulítika y Prusidimentus di Prizensa**

Pulítika di Prizensa di distritu é fundamental pa garanti igualdadi na forma modi ki nu ta apoia, motiva y involve nos alunas más vulnerábel a partisipa y binifisia kompletamenti di ses idukason. Nos alunas más marjinalizadu ten taxa di absentismu króniku más altu di ki ses kolegas, inkluindu alunas Pretu y Latinu, alunas di Inglês, alunas ku difisiénsia, y alunas ekonomikamenti disfavorsidu ô ki ta vive sen tetu. Nes anu letivu, alunas Pretu y Latinus ten un taxa di absentismu króniku ki é 6% más txeu ki média di distritu. Alunas di inglês y alunas ku IEP tanbê é 3% y 11% más altu, respetivamenti.

Kontestu

Istoriamenti, Lei Jeral di Massachusetts (M.G.L.) y pulítika distrital di BPS kunfia na amiasa di punison pa dizenkoraja falta di prizensa. Inestigason kontenpurániu mostra ma punison é ka un rispostá efikás pa falta di prizensa ([Falta Króniku: Kebra Mitus](#)). Investigason di lider nasional di pensamentu, [AttendanceWorks](#), ta mostra ma riduzi absentismu króniku ta nisisita di rizoluson di problémas y apoiu, y nau atribuison di kulpas y punison. Nu entantu, elementus di punison ta kontinua inkorporadu na pulítika di distritu. Pur izénplu, un pulítika di longu prazu ta piriti skólas imiti notas di "Sén Kréditu" pa alunas ki falta kuantu ô más bês nun periudu di avaliason, independimententi di si alunu konpleta rikizitus baziadu na konpiténsia pa pasa na disiplina.

Alén di kel-la, pulítika di prizensa di BPS mante un linguajen ki ta kriminaliza alunas. Más markanti é utilizason di termu "infrator" na alguns kazus Massachusetts toma mididas pa diskriminaliza lei stadual di absentismu. Dia 7 di agostu di 2012, Governador Patrick sina lei di reforma CHINS (S.2410 Un Lei Sobri Kriansas y Famílias Involvedu na Sirvisus), ta prupursiona milharis di joven na situason di risku y ses família asesu diretu pa ajuda y sirvisus na ses kumunidades. CHINS ta signífika *Kriansas ku Nisisidadis di Sirvisus*; y ta rifiri pa sistéma através di kual pais, skólas y pulisia ta buska ajuda óras ki un kriansa staba ta izibi un konportamentu di altu risku y putensialmenti prigozu. Kel ideia é ma na ta aprizenta un pitison pa CHINS, ô "CHINS", un kriansa ta ten asesu a ajuda y a sirvisus ki pode midjora se konportamentu, apoia kriansa y djudas ivita futuru insidentis ku sistéma di justisa penal. Nu entantu, na maioria di kazus, ka foi asi ki prusésu kori.

"Kriansas CHINS" ta rifiriba a jovens ki na maioria di kazu ta infrentaba dizafius gravi, inkluindu abuzu di substánsias, kondisons di sáudi mental sen diagnostiku, violénsia dumestiku, y abuzu seksual. Es ta mesteba di sirvisus y apoiu, mas di akordu ku prusesu di CHINS, sistéma di justisa juvenil éra ses úniku opson pa konsigi ajuda. Kriansa y família bai tribunal pa buska ajuda pa kontinua ta ser un família y, monti bês di forma preokpanti, es foi siparadu. Kel-li teve un inpaktu signifikativu y negativu na ses vidas. Lei di Riforma transforma sistéma baziadu na tribunal di menor nun sistéma baziadu na kumunidadi y sentradu na família y na kriansa y adota tirminolojia Asisténsia pa Kriansa (CRA) pa substitui "CHINS".

Apézar di kel-li, un di kes aspetu más inpurtanti foi utilizason di termu "infrator skólar abitual (HSO)"; un tipu spesifiku di CRA, pa Tribunal Juvenil di Munisipiu di Suffolk (SCJC). Komu rizultadu, termu infrator kontinua ta parse na pulítika di prizensa di BPS en relason a alunus di BPS. Apézar di kel mensaji ki el ta transmiti pa alunus y famílias sobri modi ki es ta odjadu pa distritu, es tirminolojia kontinua padron sosial di kriminalizason di jovens Pretu y Latinus, ki ta sta kronolojikament auzenti na taxas di manera disproporsional más altu na BPS. Kuriozamenti, através di prusésu di análizi di pulítika di prizensa di distritu ku un lenti sobri igualdadi rasial, Gabinete di Asesor Juridiku di BPS for konsultadu sobri opson di tra "infrator" di pulítika. Foi ditirminadu ma termu "infrator skolar abitual" na verdadi ka ta parse na ninhun parti di statutu di stadu (M.G.L.), pur isu, apézar di uzu kontinuadu di kel termu pa SCJC, nada ka ta inpidi distritu di ilimina totalmenti di se pulítika di prizensa.

Otu distritu skolar urbanu, sima Oakland Unified School District (OUSD), diskubri ma falta di involvimentu ku famílias y alunus é agravadu pa fatu di ses pulítika di frikuénsia ser prinsipalmenti riativu y punitivu, ki ta kontise óras ki alunus dja sta normalmenti ta pasa pa un falta signifikativu y pa diskonekson ku skóla. Absentismu é pontu di intervencion na maioria di distritu, mas trégua é tipikamenti un intervencion a nível distrital ki ta sigi prusésu legal priskritu y ta atraí famílias pa un pontu di krizi. Rilatóriu "[Un Olhar Más Atentu pa Partisipason di Omi Afro-Merkanu na OUSD](#)," konstata nisisidadi di maior atenson a privenson y intervencion signifikativu más sedu pusível dipôs di konstatacion di probléma di falta, y di un akonpanhamentu más ditalhadu y "na ténpu real" di prizensa y falta di prizensa. Insvestigason ta mostra ma óras ki skólas ta dizenvolve prugrama di parseria skolar, familiar y kumunitáriu, ten nível más altu di involvimentu di pais, y taxas di absentismu króniku ta riduzi.

Engajamentu di Atoris

Alén di konsiderason di pulítikas , y konversas ku nos alunus revela elementu punitivu omniprizenti na nos skólas, spesialmenti pa alunus más grandi. Na inisiu di 2019, pesoal di gabinete sentral reuni más 30 alunu di ensinu sikundáriu di BPS na Fórun di Atendimentu di Jovens pa resebe ses perspectiva y kapasita-s a kontribui pa vizon di práttikas di atendimentu di distritu. Kel fórun revela un sentimentu konsistenti entri alunus ki fala di spiriénsia punitivu di skóla. Un alunu fla, " es ta trata-nu sima ki nu sta na prizon," enkuantu ki otu fla, "es ta puni-nu ku ditenson y suspenson."

Otu ária di preokupason entri alunus, pais y idukadoris é pulítika di distritu di konverson di atrazus na faltas di prizensa. Apézar di ka sta na ninhun statutus di absentismu di M.G.L., kel-li ten sidu un pulítika di mutu ténpu na BPS. Óras ki djuntadu ku "pulítika di sén kréditu", rizultadu é ki alunus pode riprova nun disiplina baziadu na atrazus ki foi konvertidu na faltas di prizensa. Es pulítika ka so ka sta na ninhun parti di M.G.L., komu tanbê é kontráriu a orientasons di DESE, undi ki alunus ki ta frikuenta 50% ô más di dia letivu é avaliadu komu prizenti. Más un bês, feedback di kumunidadi rivela dizigualdadis jeneralizadu na aplikason des dispuzison pulitiku, y tevi un inpaktu na alunus Pretu y Latinus.

Análizi di Dadus

Un [análizi](#) risenti di " Pulítika di Sen Kréditu" rivela dizigualdadis jeneralizadu na aplikason des pulitika. Apézar di ter sidu stabelesidu ma porsentaji di non atribuison di notas di kréditu pa alunus di grupus vulnerável, inkluindu alunus ki ta vive sen tetu, alunus ku difisiénsia y alunus di Inglês, ka foi txeu diferenti di ses riprezentason proporsional, foi reveladu ma alunus Pretu tinha kuazi 24% más xansi di dadu un nota di non atribuison di kréditu na priméru períudu di avaliason di anu letivu di 2020-21. Nu entantu, más preokupanti, foi u faktu di pulítika ka foi aplikadu di forma uniformi na skólas. Apénas serka di metadi di skólas sikundáriu di BPS ki sigi kel prácticu di ka imiti notas di kréditu pa alunus, y númeru di alunus pa skóla varia di 1 a 284.

Inpaktu di Pulitika

Es propósta ta ilimina kes normas di pulítika di prizensa ki dja prolonga dizigualdadis rasial y otus, enkuantu el ta uza un lenti más kultural y linguistiku pa afirma atividadis di privenson di absentismu. Kumité Konsultivu di Prizensa di distritu lidera prusésu di rivizon di dôs anu, através di inkorpora un grandi involvimentu di partis interesadu y análizi di dadus. Kel pulítika di prizensa rivizadu ta alinha midjor ku prácticus anti-rasistas y di sustentason kultural y linguistiku ki BPS ta isforsa pa mante. Txeu di kes elementus di punison di pulítika antirior tevi inpaktu disproporsionadu na alunus Pretu y Latinus, ben komu alunus di Inglês y kes di Ensinu Spesial.